


# Awe 60 aña pasa, e prome hotel di piso Aruba

## Caribbean Hotel a wordo inaugura

*Dia 18 di juli 1959, e prome hotel di piso, Aruba Caribbean Hotel a wordo oficialmente inaugura. Esey kier meen cu awe, dia 18 di Juli 2019, ta exactamente 60 aña pasa cu Juancho Irausquin, Oscar Henriquez a dicidi pa bin y engrandece nos turismo aki na Aruba. Un tremendo vision di dos politico cu a inicia cu e era nobo den turismo di nos isla.*




Na aña 1955 e Partido politico, Partido Patriotico Arubano (PPA), un partido cu Juancho Irausquin y Oscar Henriquez a lanta, a gana eleccion di Gobierno Central na Corsou y eleccion di Eilandsraad di Aruba. Esaki a pone Lider di e partido, Sr. Irausquin hunto cu Oscar Henriquez (Diputado di Turismo) den un posicion pa busca di engrandece e fundeshi economico di Aruba. Aruba su beachnan blanco, un clima agradabel y su hendenan amical y hospitalario lo por hacie perfecto pa turismo. Mesora el a cuminsa expande Aruba su infraestructura, particularmente, entre otro, awa y coriente asisti pa su Diputado di Financia y Turismo, Sr. Oscar Henriquez di 29 aña, y Ernesto Petronia di Departamento Obras Publico y Educacion.



Irausquin y Henriquez a convence Gobierno Hulandes pa financia e planta di awa y electricidad na un costo di 20 milyon dollar. E tempo ey nos tabatin e Coral Strand Hotel traha na 1943 pa Sr. Chariban Neme, un emigrante Lebanon kende tambe a tuma e iniciativa di traha Basi Ruti Hotel na 1954.

Na 1955 Irausquin y su ekipo a cuminsa traha camindanan pa haci e beachnan mas acesibel. Un caminda pega cu lama habriendo e parti west di nos isla a wordo traha for di e stacion di gasolin na Playa te na unda e hotel Holiday Inn a wordo traha despues, un caminda cu a haya su nomber despues. Pero cu e plan pa e siguiente aña haci'e mas grandi, esta for di Eagle Beach pa Malmok. Henter e proyecto lo a costa Fls.1,100,000.00. Esaki lo a permiti tambe pa habri e cercania pa publico. Departamento di Obras Publico a proyecta e boulevard y a supervisa su construcccion. Ora e ta cla, e lo ta siete miya asfalta cu dos avenida y acero di concreto. E punto zuid lo conecta cu L.G. Smith Boulevard na Playa. E



Despues di e di dos guerra mundial, Lago su refinaria cu tabata suministra gasolin di 100 octano, cu e tempo ey tabatin 8000 empleado ta traha, a dicidi di bin cu un reduccion di su empleadonan causando un desempleo masal. E tempo ey e pilar economico No. 1.



punto nort lo topa cu e caminda di Noord. Entre e dos puntonan aki lo a conecta cu camindanan for di Eagle Beach, Bubali, Palm Beach, y Basi Ruti. En total tur esaki lo a tuma 85000 yarda cubico di tera, 7000 cubico di asfalt, un mexcla di piedra garna y 1300 pia cubico di concreto. E boulevard a wordo proponi door di e bestuurscollege anterior y a wordo paga for di belasting. E boulevard a haya tur e lusnan necesario y e maximo velocidad riba caminda tabata 60KM pa ora.

Sr. Irausquin su vision tabata pa e caminda (boulevard) aki sirbi pa sigui traha hotelnan luhoso cu por sigui contribui na nos desaroyo economico sigur. E prome di e hotelnan aki cu a resulta tabata Aruba Caribbean Hotel di 125 camber pero cu despues lo bira 400 kamber. Sr. Morris Lapides, un architecto a diseña e hotel. Dia 18 di juli 1959, na e inauguracion oficial, Sr. Morris de Woskin, Executive House President, a bisa: "Aruba lo no ta mescos mas" y e tabatin tur rason.

E facilidatnan di e beach di e

hotel mester a percura pa 100 turista crusero cu tabata yega Aruba tur Diahuebs. Irausquin y Henriquez a busca shareholders for di Venezuela, no solamente pa motibo di inversion, pero tambe crea interes pa Aruba su turismo. Nan a haya 100 shareholders y bou di direccion di e abogado Venezolano, Dr. Philip Malten e compania VenAruba a wordo funda, cu despues a cambia otro nomber.

Ta un lastima pa bisa Sr. Oscar Henriquez, un politico, siendo Diputado di Turismo, cu a traha asina duro man cu man hunto cu Juancho Irausquin pa nos turismo cu awe un bes mas e ta nos pilar economico No. 1 no por a haya su nomber riba e boulevard aki. El a ocupa funcionnan masha importante den desaroyo di nos pais, pa menciona algun, politico, diputado, gezaghebber, officier in de Orde van Oranje Nassau, presidente di algun organisacion, etc. di nos pais, mucho hopi pa menciona. Mi opinion.

Pabien na tur esnan, cu di un manera of otro, a contribui pa lanta turismo aki na Aruba.